



OIARTZUNGO ESKOLA KIROLA ETA UDAL KIROL KONTSEILU EREMUEK KUDEAKETA ZERBITZUA KONTRATATZEKO, PROZEDURA IREKIA BIDEZ, ARAUTUKO DUTEN ADMINISTRAZIO-BALDINTZA ZEHATZEN AGIRIA

I.- KONTRATUAREN EDUKIA

1. KONTRATUAREN GAIA

Kontratuaren gaia, espedientean zehaztutakoekin bat etorriz, hau da: Oiartzungo Eskola Kirola eta Udal Kirol Kontseilu eremuen kudeaketa zerbitzua, espedienteko dokumentazio teknikoarekin bat etorriz. Espedienteak kontratu-izaera du.

Kontratuaren xedeak lote bakarra osatzen du.

Kontratuaren gaiaren kodea, CPV nomenklaturaren arabera: 92000000-1 (Aisialdi, kultur eta kirol alorreko zerbitzuak).

2. BURUTZEKO EPEA

Kontratuaren iraunaldia BI URTEkoa izango da. Zerbitzua, ikastetxeetako ikasturtearekin batera, irailaren 1etik, ekainaren 15a arte eskainiko da. Beraz, kontratua, 2011ko irailaren 1ean hasi eta 2013ko ekainaren 15ean amaituko da, eskola oporrak kanpo.

Hala ere, kontratua urtero luzatu ahal izango da beste bi urtez, bi alderdiak luzapenarekin ados egotekotan. Kontratuak 4 urte iraun ahal izango du gehienez ere.

Zerbitzua epe horretan ematen ez bada, esleipendunak berandutzeagatik erantzukizunei aurre egin beharko die, nahiz eta Administrazioak aurretik ez ohartarazi.

3. KONTRATUAREN PREZIOA

Kontratuaren prezioa eta lizitazio-mota urteko 32.500 eurokoa izango da, BEZ barne. Lehiatzaileek diru-kopuru hori hobetu dezakete.

4. FINANTZATZEA

Kontratuaren prezioa ordaintzeko behar beste diru jarri da aurtengo ekitaldiko aurrekontuan. Bestaldetik, hurrengo ekitaldietako aurrekontuetan behar adina kreditu jarriko ditu aurrekontu gaietan eskumena duen organoak.

5. NOLA ORDAINDU

Faktura aurkeztu eta onartu ondoren, kontratuaren prezioa hileror ordainduko da.

Hilero, fakturari erantsita, lanean dihardun langilearen nominaren kopia sinatua eta gizarte segurantzako TC-1 eta TC-2 kotizazioaren agirien kopiak aurkeztuko dira.

6. PREZIOAK BERRAZTERTZEA

Kontratu honen prezioak berraztertzea ahal izango dira. Berraztertze hori bat dator Sektore Publikoko Kontratuen Legearen 77 eta 82 bitarteko artikuluetan eta lege hori garatzen duen Araudi Orokorraren 104 eta 106 bitarteko artikuluetan xedatutakoarekin.

Prezioaren berraztertzea Euskal Autonomia Erkidegoaren Kontsumoko Prezioen Indizearen (KPI) igoeraren %85a aplikatuko da.

7. BERMEAK

1. Ez da behin-behineko bermerik eskatzen.

2. Proposamen ekonomikorik onuragarriena aurkezten duen lizitatzailleak, esleipeneko zenbatekoaren %5eko behin-betiko bermea, BEZ gabe, jarri beharko du, hartutako konpromisoak beteko dituela bermatzeko.

Berme hori jartzeko epea hamar egun baliodunekoa izango da, bere proposamenik ekonomikoki onuragarriena dela jakinarazi, zentzu horretan errekerimendua egin eta hurrengo egunetik kontaktzen hasita. Bermea jartzeko bidea, berriz, Sektore Publikoko Kontratuen Legearen 84. artikuluan azaltzen direnetatik edozein izan daiteke.

Berme-epea amaitzen denean, esleipendunari bermea itzuliko zaio, osorik edo, bidezkoa bada, zati batean, baldin eta kontratuko betebeharrak guztiak beterik badaude. Itzulketak hori goian aipatutako Sektore Publikoko Kontratuen Legearen 90. artikuluan xedatutakoarekin bat etorritik egingo da.

8. KONTRATUA BURUTZEA

Kontratua esleipendunaren gain eta kontura burutuko da.

Zerbitzuak egiterakoan, agiri honetan dauden baldintzak bete beharko dira, bai eta espedienteari erantsitako xehetasun teknikoak ere, halakorik egonez gero. Kontratua Administrazioaren zuzendaritza, ikuskapen eta kontrolaren pean burutuko da, eta Administrazioak idatziz nahiz ahoz erabili ahal izango ditu ahalmen horiek.

Esleipendunari edo haren agindupekoei egotz dakiekeen egite edo ez-egiteren baten ondorioz, Administrazioak uste izaten badu kontratua behar bezala burutzea kolokan dagoela, kontratua behar bezala burutu dadin beharrezkotzat jotzen dituen neurriak har daitezela agindu ahal izango du.

9. ESLEIPENDUNAREN LAN-EGINKIZUNAK

Esleipendunak lanaren, Gizarte Segurantzaren eta laneko segurtasun eta higienaren arloan indarrean dauden legezko xedapenak bete behar ditu, eta horiek betetzen dituela ziurtatzen duen dokumentazioa aurkeztu beharko du. Administrazioak ez du inolako erantzukizunik izango xedapen horiek betetzen ez badira.

Esleipendunak, giza baliabideei buruz baldintza teknikoen pleguan jasotako eskakizunak bete beharko ditu.

10. ESLEIPENDUNAREN ERANTZUKIZUNA KONTRATUA BURUTZERAKOAN BESTE BATZUEI KALTEAK ERAGITEN BADIZKIE

Esleipendunaren ardura da zerbitzu-eragiketen ondorioz sor litezkeen kalteak eta galerak bere gain hartzea, Sektore Publikoko Kontratuen Legearen 198. artikuluan xedatutakoarekin bat etorriz.

Esleipendunak zerbitzua ematen hasi aurretik kontratu honetako xede diren aktibitate guztiak estaliko dituen gutxienez 600.000 euro arteko erantzukizun zibileko aseguru-poliza kontratatatu beharko du.

11. KONTRATUA ALDATZEA

Sektore Publikoko Kontratuei buruzko urriaren 30eko 30/2007 Legearen 202. artikulua arabera, administrazio-kontratu hau interes publikoko arrazoiengatik bakarrik aldatu ahal izango da, I. Liburuko V. Tituluan aurreikusitako moduetan eta kasuetan eta 195. artikuluan araututako prozeduraren arabera.

Kasu horietan, kontratazio organoak erabakitako aldaketak nahitaezkoak izango dira kontratistarentzat.

12. ZERBITZUA HARTZEA ETA BERME-EPEA

Zerbitzua eman eta, gehienez, 30 egun pasa baino lehen, zerbitzuaren harrera formala egingo da.

Kontratu-mota honen izaera dela eta, ez da berme-eperik jarri behar.

13. ESLEIPENDUNARI EZARRI BEHARREKO ZIGORRAK BALDINTZAK BETETZEN EZ BADITU

A) KONTRATUA BURUTZEKO EPEAK DIRELA ETA

Esleipendunak, bere erruagatik, kontratua burutzeko epe osoa edo epe partzialak igarotakoan burutu gabe baditu epe horietan egin beharreko lanak, Administrazioak bi aukera izango ditu: kontratua bertan behera utzi eta bermea bereganatzea, edo lanak

burutu arte igarotzen den egun bakoitzeko diru-zigorra ezartzea: egunean 0,20 euro kontratuaren prezioaren 1.000 euroko.

Atzerapenagatiko zigorren guztizko zenbatekoak kontratuaren prezioaren 100eko 5aren multploren bat jotzen duen bakoitzean, kontratazio-organoak aukera izango du kontratua bertan behera uzteko edo zigor gehiago ezarri eta burutzapenean aurrera egin dadila erabakitzeko.

B) PRESTAZIOEN BURUTZAPEN PARTZIALA DELA ETA

Esleipendunak, bere erruagatik, kontratuko prestazioen burutzapen partziala epean bukatzen ez badu, Administrazioak bi aukera izango ditu: kontratua bertan behera uztea edo kontratuaren prezio osoaren 100eko 10eko diru-zigorra ezartzea.

Prestazioa burutzean akatsak izan badira, Administrazioak kontratuaren aurrekontuko zenbatekoaren %10eko diru-zigorra ezartzeko aukera izango du.

Plegu teknikoetan giza baliabideekiko (titulazioa, euskara,...) egiten den eskakizuna ez betetzekotan, Administrazioak kontratuaren aurrekontuko zenbatekoaren % 10eko diru-zigorra ezartzeko aukera izango du edo kontratua bertan behera utziko du.

14. KONTRATUA AMAITZEKO ARRAZIOIAK

Kontratua amaitzeko arrazoiak Sektore Publikoko Kontratuen Legearen 206 eta 284. artikuluetan azaltzen direnak izango dira.

Kontratua suntsitzeko ondorengo arrazoiak ezartzen da espresuki: esleipendunak kontratatze betekizunak galtzea (kontratatzen gaitasuna eta kontratatze debeku arrazoiak ez izatea), Sektore Publikoko Kontratuen Legean ezartzen den arabera.

15. ADMINISTRAZIOAREN ESKUBIDEAK

Administrazioari dagokio a) kontratua interpretatzea, b) kontratuan sor daitezkeen zalantzak ebaztea, c) herri-onurako arrazoiengatik kontratua aldatzea, d) kontratuari amaiera ematea eta amaiera horren ondorioak zehaztea, Sektore Publikoko Kontratuen Legean eta Herri Administrazioen Kontratuei buruzko Legearen Araudi Orokorrean ezarritako muga, baldintza eta ondorioei eutsiz.

16. EUSKARA

Esleipendunak zerbitzuak garatzeko izendatutako langileak ezinbestekoa izango du EGA titulua edo baliokidea izatea. Izendatutako langilea aldatuz gero, aldatutako langilearen lekua beteko duenak hemen xedatutako hizkuntz gaitasuna izan beharko du.

Enpresa esleipendunak Udalaren hizkuntz jarduerara arautzeko planen arabera jokatu du.

Beraz, zerbitzuak euskaraz eskainiko dira. Zerbitzuaren jasolearekiko ahozko eta idatzizko harremanak euskaraz izango dira. Halaber, enpresa esleipendunak zerbitzua ematerakoan herritarren esku jartzen dituen agiri, txartel, ohar eta gainerako idatziak euskara hutsez emango ditu ezagutzera.

Esleipendunaren eta Udalaren arteko ahozko eta idatzizko harremanak euskaraz izango dira.

Hizkuntz betebeharrak horiek betetzen direla egiaztatzeko jarraipena egitea kontratazio organoari dagokio baina kontratazioa eragin duen udal lantzailearen ardura izango da, Euskara Zerbitzuarekin lankidetzan, beharrezkoa den informazioa kontratazio organoaren eskutan jartzea. Hizkuntz betebeharrak horiek behin eta berriz urratzea nahiko arrazoi izango da kontratua amaiarazteko.

II.- KONTRATATZEKO JARDUNBIDEA

17. ESLEIPENA EGITEKO BIDEA ETA MODUA

Kontratu honen esleipena jardunbide ireki bidez egingo da, 30/2007 Legearen 141. artikuluekin eta hurrengoekin adostasunena, eta izapidetza arrunta izango da.

Kontratuaren esleipena egiterakoan, garrantzi eta haztapenaren arabera ordenatuta, honako irizpide hauek hartuko dira oinarritzat eskaintzak balioesteko, gehienez ere 100 puntu lortu ahal izango direlarik:

1. Eskaintza ekonomikoa, gehienez 51 puntu.

Zerbitzu hauek kudeatzeko gehienezko prezioa urtean 32.500 eurokoa izango da, BEZa barne. Proposamen ekonomikoari gehienez 51 puntu emango zaizkio, zerotik (0) hasita 10 puntu gehiago emanez 500 euro murrizketagatik.

2. Eskola kirola egitasmoaren proiektua, gehienez 20 puntu.

Herriko Eskola Kirolaren inguruko proiektuaren kalitatea eta bideragarritasun teknikoa baloratuko dira.

3. Oiartzungo Udal Kirol Kontseiluaren proiektua, gehienez 20 puntu.

Oiartzungo Udal Kirol Kontseiluaren inguruko proiektuaren kalitatea eta bideragarritasun teknikoa baloratuko dira.

4. Zerbitzua emateko proposaturiko hobekuntzak, gehienez 9 puntu.

Zerbitzuak hobetzeko interesagarritzat jotzen diren hobekuntza proposamenak.

18. KONTRATATZEKO GAITASUNA ETA KAUDIMENA

Zuzenbideko eta jarduteko gaitasuna duten pertsona fisiko zein juridikoek parte hartu ahal izango dute kontratazio-jardunbide horretan, baldin eta beren kaudimena eta fidagarritasun tekniko edo profesionala frogatzen badituzte, eta kontratatzeke debekuren bat ez badute, Sektore Publikoko Kontratuen Legearen 49. artikuluan adierazitako arrazoiak direla eta. Kaudimena egiaztatzeke eta ebaluatzeke bideak 19. baldintzaren e) eta f) letretan ezarritakoak izango dira.

Pertsona fisiko edo juridikoek beren kabuz edo baimendutako ordezkarien bitartez kontratatu ahal izango dute. Ordezkariek kontratatuz gero, berariaz emandako ahalorde askietsia erabili beharko dute. Pertsona juridiko baten ordezkari baten kideren bat azaltzen denean, ordezkari izateko ahalmena duela frogatu beharko du agiri bidez. Bi kasuetan ere, kontratatzeke gaitasunik eza dakarten arrazoiak, gorago aipatutakoak, ordezkariari ere aplikatu behar zaizkio.

Enpresariak, gainera, kontratu hau burutzeko eska daitekeen gaitasun enpresarial edo profesionala izan beharko dute.

19. PROPOSAMENAK AURKEZTEA

Kontratazio honen espedientea, bai eta horrekin batera doan dokumentazio teknikoa ere, honako lekuan, ordutegian eta epean aztertu ahal izango da:

LEKUA: Oíartzungo Udala, Done Eztebe Plaza 1

ORDUAK: 08:30 – 14:00

EPEA: Egun baliodunetan, lehiaketa honen iragarkia Gipuzkoako Aldizkari Ofizialean argitaratu eta hurrengo egunetik aurrera eta proposamenak aurkezteko epea bukatu arte.

Proposamenak aurretik adierazitako lekuan eta ordutegian aurkeztuko dira, 15 egun naturaleko epean, iragarki hori argitaratu eta hurrengo egunetik kontatzen hasita.

Gainera, eskaintza hau kontratazio-organoko kontratatzailearen profilean argitaratu beharko da, eta honako webgunean ere eskuratu ahal izango da: www.oíartzun.org.

Baldintza-agiriak eta horien dokumentazio osagarria eskatzen duten eskaintzaileei bidaliko zaizkie, eskaera hori jaso eta sei eguneko epean, beti ere eskaintzak aurkezteko epea iraungi baino gutxienez zortzi egun lehenago egindako eskariak badira.

Baldintza-agiriak eta dokumentazio osagarria ondoko webgunean eskuratu ahal izango da: www.oíartzun.org.

Eskaintzaileek eskatutako baldintza-agiriei eta dokumentazio osagarriari buruzko informazio gehigarria proposamenak hartzeko data iraungi aurreko sei egunetan emango zaie, gutxienez, beti ere eskaintzak aurkezteko epea iraungi baino gutxienez zortzi egun lehenago egindako eskariak badira.

SPKLaren 142.3. artikuluan xedatutakoaren arabera, baldintza-agiriei eta dokumentazio

osagarriari buruzko informazio gehigarria aipatutako epeen barruan entregatzerik izan ez bada, edo eskaintzak egiteko alde z aurretik lanen tokian bertan bisita egin behar bada edo baldintza-agiriari erantsitako dokumentazioa "in situ" kontsultatu behar bada, eskaintzak jasotzeko epea luzatu egingo da, hautagai guztiek beharrezkoa duten informazioa jaso dezaten ahalbidetzeko adina.

Ez dira onartuko epe horretatik kanpo aurkezten diren proposamenak, nahiz eta postetxean epea amaitu baino lehen bidali. Dena dela, proposamena onartu egingo da baldin eta epe barruan bidali zela egiaztatzen bada. Horretarako, lehiatzaileak, proposamena bidaltzen duen egunean bertan, posta-egiaztagiria bidali beharko dio kontratazio-organoari telekopiaz, faxez, telegramaz edo posta elektronikoz. Bi baldintza horiek ez badira betetzen, proposamena ez da onartuko proposamenak aurkezteko epea amaitu ondoren jasotzen bada. Halaz ere, zehaztutako egun horren ondoren hamar egun natural igarotzen badira proposamena jaso gabe, proposamen hori ez da inola ere onartuko.

Lehiatzaileek hiru kartazal (A, B eta C) aurkeztu beharko dituzte itxita. Kartazal bakoitzean honako hau idatziko da: "OIARTZUNGO ESKOLA KIROLA ETA UDAL KIROL KONTSEILU EREMUEK KUDEAKETA ZERBITZUAREN KONTRATAZIOAN LEHIAKETA IREKI BIDEZ PARTE HARTZEKO PROPOSAMENA"

- 1) "A" KARTAZALA. KONTRATZEKO GAITASUNA ETA KAUDIMENA.
- 2) "B" KARTAZALA. PROPOSAMEN EKONOMIKOA ETA FORMULA BIDEZ BALORATU BEHARREKO IRIZPIDEAK.
- 3) "C" KARTAZALA. BALORAZIO IRITZI BATEN GAI IZANGO DIREN IRIZPIDEAK

Kartazal bakoitzean enpresaren izena eta proposamen-izenpetzailearen izen-abizenak jarriko dira, noren izenean izenpetzen duen zehaztuz. Hiru kartazalek ere izenpetuta egon beharko dute.

1. "A" kartazalaren azpiztitulua hau izango da: "KONTRATATZEKO GAITASUNA ETA KAUDIMENA". Hona hemen "A" kartazalean aurkeztu beharreko agiriak:

a) Lehiatzailearen edo haren ordezkariaren nortasun-agiriaren fotokopia, eta horrez gain, beste pertsona edo erakunde baten izenean badihardu, notario-ahalordea.

b) Lehiatzailea pertsona juridikoa izanez gero, eratze- edo aldaketa-eskritura aurkeztuko du, behar bezala inskribaturik Merkataritza Erregistroan eta identifikazio fiskaleko zenbakian, inskripzioa derrigorrezkoa baldin badu, aplikatu behar zaion merkataritzako legeriaren arabera. Hala ez bada, eraketaren, estatutuen edo fundazio-egintzaren eskritura edo agiria aurkeztuko du jarduteko gaitasuna duela frogatzeko. Agiri hori erregistro ofizial egokian inskribaturik egongo da, hala behar denean, eta bertan agertuko dira lehiatzailearen jardura zuzentzen duten arauak.

Enpresariak espainiarrak ez badira baina bai Europako Erkidegokoak, lanbide- edo merkataritza-erregistroko inskripzioaren egiaztagiria aurkeztu beharko dute, beren estatuko legeriak inskribatu beharra ezartzen baldin badie.

Atzerriko enpresariak beren gaitasuna enpresak egoitza duen lurraldean datzan Misio Diplomatiko edo Bulego Kontsularraren agiriaren bidez frogatu beharko dute, eta bere

jatorrizko Estatuak Administrazioaren kontratazioan enpresa espainiarrak onartzen dituen txostena, baldin eta Komertzio Munduko Erakundearen Kontratazio Publikorako Akordioan parte ez bada.

c) Lehiatzaileak erantzukizunpeko berariazko aitorpena aurkeztu behar du, Sektore Publikoko Kontratuaren Legearen 49. artikuluan kontratatzeke ezarritako debekuetatik bat bera ere ez duela agertzeko. Aitorpen horretan berariaz adieraziko du kitaturik dituela zerga-betebeharrak eta Gizarte Segurantzarekikoak, indarrean dauden xedapenak ezarritakoak; edo, hala egiten ez badu, egiaztagiria aurkeztuko ditu, betebeharrak horiek beterik dituela frogatzeko.

d) Ekonomi Jardueren gaineko Zergan, kontratuaren gaiari dagokion epigrafean hain zuzen ere, alta eman diotela frogatzeko, lehiatzaileak alta-agiria aurkeztuko du, uneko ekitaldian bertan hartua badu, edo EJZren azken ordainagiria, gainerako kasuetan. Beti ere, zerga horren matrikulan baxerik hartu ez izanaren erantzukizunpeko adierazpena erantsiko du.

e) Kaudimen ekonomikoa eta finantzarioa egiaztatzea, honela:

- Erakunde finantzarioen txostena edo, hala dagokionean, arrisku profesionaletarako kalteordain-aseguruaren egiaztagiria.

f) Gaitasun tekniko edo profesionala ondorengo agiriekin egiaztatuko beharko da:

- Azken hiru urteetan egindako oraingoaren antzeko zerbitzuen edo lan nagusien zerrenda aurkeztuko da, eta, bertan, zerbitzu edo lanon zenbatekoa, data eta hartzailea, publikoa zein pribatua, azalduko dira. Hauek hartzaileak emandako ziurtagirien bidez egiaztatuko dira.

- Kaudimena, gainera, ondoko giza baliabideekin osatuko da:

Kontratua burutuko duen langileak Gorputz-hezkuntza eta Kirol Zientzietan lizentziadun titulua izan behar du, eta EGA titulua edo baliokidea izan behar du. Proposamenetan kontratua burutuko duen langilearen izen-abizenak adierazi behar dira eta eskatutako titulazioa egiaztatzen duten agiriak aurkeztu behar dira.

Baldintza hau derrigorrezkoa da kontraturako, eta, SPKLaren 53.2. artikulua arabera, hori ez betetzea kontratua amaitutzat jotzeko arrazoi nahikoa izan daiteke, 206.h) artikuluan xedatzen den moduan.

g) Hainbat enpresak lehiaketara jotzen badute aldi baterako enpresa-batasuna eratuz, taldekide bakoitzak bere gaitasuna eta kaudimena frogatu beharko ditu aurreko puntuetan ezarritakoaren arabera. Esleipena lortuz gero AEB formala eratzeko konpromisoa agertu beharko dute enpresa guztiek. Bestalde, aldi baterako enpresa-batasuneko kide bakoitzak kontratuaren zein zati egingo lukeen adierazi beharko dute proposamenaren, kide bakoitzaren kaudimen-baldintzak zehaztu eta egiaztatu ahal izateko.

h) Atzerriko enpresak badira, Espainiako epaitegi edo auzitegien menpe jarriko direla adierazi beharko dute, kontratuarekin zuzen edo zeharka zerikusia duten

gorabehera guztietarako, eta, hala egokituz gero, lehiatzaileari legokiokeen atzerriko jurisdikzioari uko egingo lioketela.

i) Jakinarazpenak egiteko helbidea eta korreo elektronikoa.

Goiko a), b) eta d) puntuetan adierazitako baldintzak egiaztatu daitezke Euskal Autonomia Erkidegoko Eskaintzaileen eta Sailkatutako Enpresen Erregistro Ofizialeko ziurtagiriarekin, Estatuko Eskaintzaileen eta Sailkatutako Enpresen Erregistro Ofizialeko ziurtagiriarekin, edo Europar Batasuneko sailkapen-ziurtagiri batekin, SPKLaren 73. artikulua xedatutakoaren arabera. Kasu honetan, ziurtapenarekin batera, adierazitako egoerak aldatu ez direla ziurtatzen duen eskaintzaileen ardura-adierazpena ere gehitu beharko da.

Aurreko dokumentu guztiak jatorrikoetan, kopia kautoetan edo konpultsatuetan, edo fotokopia arruntetan aurkeztu ahal izango dira. Baina, azkeneko kasu horretan, abantaila gehien dituen eskaintza ekonomikoa aurkeztu duen lizitatzailerak aipatutako dokumentazio horren jatorrikoak edo kopia konpultsatutak aurkeztu beharko ditu, kontratua esleitu aurretik.

Esleipendun izan ez diren enpresa lizitatzailerak eskatu ahal izango dute, kontratua formalizatu eta errekurtsioak jartzeko epea igarotakoan, errekurtsorik jarri gabe, "A" kartazal honetan aurkeztutako agiriak itzultzea. Esleipendunak ere agiri horiek itzultzea eskatu ahal izango du, kontratua exekutatuta ostean eta behin betiko bermea itzuli ondoren.

2. "B" kartazalaren azpiz titulua hau izango da: "PROPOSAMEN EKONOMIKOA ETA FORMULA BIDEZ BALORATU BEHARREKO IRIZPIDEAK". Hona hemen "B" kartazalean aurkeztu beharreko agiriak:

a) Honako eredu honen arabera

DIRU-PROPOSAMENA

Lehiatzailearen datuak:

Izen-abizenak
Helbidea
Posta kodea, NAN,, Telefonoa

Ordezkararen datuak (ordezkaririk egonez gero):

Izen-abizenak
Helbidea
Posta kodea, NAN edo IFK,, Telefonoa

OIARTZUNGO ESKOLA KIROLA ETA UDAL KIROL KONTSEILU EREMUEK KUDEAKETA ZERBITZUA kontratatzeko Oñartzungo Udalak deitutako prozedura irekiaren berri izan dut, eta hona hemen nire **ADIERAZPEN**A:

1) Hitz ematen dut kontratua honako prezio honetan burutuko dudala: €, gehi €, %..... Balio Erantsiaren gaineko Zergari dagokiona. Prezioaren barruan gai guztiak sartzen dira: zergak, gastuak eta zergen arloko edozein tasa edo ariel, bai eta esleipendunaren industri onura ere.

2) Arau teknikoen agiria, administrazio-baldintza zehatzen agiria eta kontratu hau arautu behar duten gainontzeko agiriak ezagutzen ditut. Horiek horrela, neure gain hartu eta ontzat hartzen ditut oso-osorik.

3) Ordezkatzen dudan enpresak, ireki, instalatu eta jarduteko indarrean dagoen araudiak eskatzen dituen baldintza guztiak betetzen ditu.

....., 2011koaren(a)

Izenpea

3.- “C” kartazalaren azpiztitulua hau izango da “BALORAZIO IRITZI BATEN GAI IZANGO DIREN IRIZPIDEAK”.- 17. baldintzan zehaztutako esleipen-irizpideetatik balorazio iritzi baten gai izan behar duten irizpideak egiaztatzen dituzten agiriak; hain zuzen ere: Eskola Kirolaren proiektua, Oñartzungo Udal Kirol Kontseiluaren proiektua eta hobekuntzak.

Edozein kasutan, ezingo dira “C” kartazalean sartu proposamen ekonomikoa edo formula bidez baloratu daitezkeen irizpideak, “B” kartazalean sartu behar direnak. Datu horietako edozein “C” kartazalean sartuz gero, lizitatzailerak prozedura honetatik kanpo geratuko da eta ez da “B” kartazala irekiko.

Era berean, ezingo dira sartu “B” kartazalean balorazio iritzi baten gai izan behar duten irizpideak, “C” kartazalean sartu behar direnak. Datu horietako edozein “B” kartazalean sartuz gero, ez dira baloratuko agiriok, eta formula bidez baloratu daitezkeen irizpideak baloratuko dira soilik.

20. KONTRATAZIO-MAHAIA

Oñartzungo Udalaren Kontratazio-Mahai iraunkorra izango da. Udaleko edozein teknikari bertaratu ahal izango da aholkularitza lanak egiteko, Mahaiak hala eskatzen badiu.

21. AGIRIAK SAILKATZEA, ENPRESAK AUKERATZEA ETA PROPOSAMENAK IREKITZEA

Proposamenak aurkezteko epea amaitu eta gero, Mahaiak epe eta modu egokian

jasotako dokumentazioa, "A" kartazala, sailkatu egingo du. Horretarako, Herri Administrazioen Kontratuei buruzko Legearen Araudi Orokorreko 81. artikuluan eta hurrengoetan adierazten den eran jardungo du.

Ildo horretan, lehiatzaileei beren gaitasun eta kaudimenari buruzko argibide eta agiri gehiago eskatu ahal izango dizkie, eta lehiatzaileek egutegiko bost eguneko epean eman beharko dizkiote, Araudiaren 22. artikuluan xedatuta dagoenez. Mahaiak interesdunei ahoz eskatu behar dizkie argibide eta agiri osagarri horiek, eta gainera eskaera idatzia jarri behar du kontratazio-organoaren iragarki oholean. Era berean, lehiatzaileek aurkeztutako agirietan zuzentzeko moduko akatsak agertzen badira, Mahaiak ahoz eta iragarki bidez emango die horren berri lehiatzaileei, eta hiru egun balioduneko epea jarriko die akatsak zuzen ditzaten.

Behin agiriak sailkatuak, eta akats eta hutsuneak zuzendu eta gero, halakorik badago, baldintza-agiri honen 19. baldintzan azaltzen diren irizpideak zein enpresak betetzen dituzten zehaztuko du Mahaiak, eta berariaz adieraziko du zein enpresa onartu dituen lehiaketarako, zein baztertu dituen eta zergatik baztertu dituen.

Aurkeztutako proposamenak ("B" eta "C" kartazalak) irekitzeko Kontratazio Mahaiak, Herri Administrazioen Kontratuei buruzko Legearen Araudi Orokorreko 83. artikuluan eta hurrengoetan eta 30/2007 Legea partzialki garatzen duen 817/2009 Errege Dekretuaren 27. artikuluan eta hurrengoetan adierazten den eran jardungo du.

Automatikoki kuantifikatu daitezkeen irizpideen balioestea balorazio iritzi baten gai izan behar dutenena eta gero egingo da, eta hori dela eta, Mahaiak automatikoki kuantifikatu ezin daitezkeen irizpideei buruzko "C" Kartazala (BALORAZIO IRITZI BATEN GAI IZANGO DIREN IRIZPIDEAK) jendaurrean irekiko du, "A" kartazala ireki eta hurrengo zazpi egunetan. Horretarako lekua, eguna eta ordua kontratatzailearen profilean agertuko dira. Ondoren, aurkeztutako dokumentazioa zerbitzu teknikoei emango zaie dagokion balorazioa egin dezaten.

Aurrekoa egin eta gero, proposamenen "B" kartazala (PROPOSAMEN EKONOMIKOA ETA FORMULA BIDEZ BALORATU BEHARREKO IRIZPIDEAK) jendaurrean irekiko du Mahaiak, kontratatzailearen profilean argitaratuko den leku, egun eta orduan. Egintza horretan emango da jakitera balorazio iritzi baten gai izan diren irizpideen balioestea.

Hurrengo egunetan, teknikariek proposamenak balioetsi, ebaluatu eta sailkatzeari ekingo diote, eta Kontratazio Mahaiari txostena emango diote esleipen-proposamena aurkeztu diezaion kontratazio-organoari.

22. ESLEIPENA, FORMALIZAZIOA ETA GASTUAK

Esleipena 2 hilabeteko epean egingo da, proposamenak ireki eta biharamunetik kontatzen hasita. SPKLaren 145.3. artikuluan aurreikusten denez, epe hori 15 egun baliodunetan luzatuko da 136.3. artikuluan zehaztutako tramiteak jarraitu behar direnean, balio anormalak edo neurritz gaineakoak dituzten eskaintzen kasuan.

Eskaintza anormaltzat edo neurritz gainekotzat jotzen denean eskaintzaileari (edo



eskaintzaileei, hala dagokienean) entzungo zaio, eta dagokion zerbitzuak aholkularitza tekniko egin beharko du.

Kasu honetan, eskaintzaileak emandako arrazoiak eta txostenak aintzat hartuta, kontratazio organoak ekonomikoki proposamenik onuragarriena egiten duen eskaintzaileari egingo dio errekerimendua, beti ere Administrazioaren lanak egiteko gaitasuna duela; bestela, anormaltzat edo neurritz gainekotzat jotzen ez den proposamenari egingo zaio errekerimendua.

Esleipena aipatu epeen barruan gauzatuko ez balitz, lizitatzailleek proposamena atzera botatzeko eskubidea izango lukete.

Kontratazio organoak ezingo du utzi kontratua eman gabe, baldintza-agirian agertzen diren irizpideen arabera onargarria den proposamen edo eskaintzaren bat jaso bada.

Kontratazio-organoak hoberenetik behera klasifikatuko ditu aurkeztutako proposamenak, beti ere, ez badira anormalak edo neurritz gainekoak direla erabaki. Klasifikazioa pleguetan zehaztutako esleipen-irizpideen arabera egingo du.

Errekerimendua egingo zaio ekonomikoki proposamenik onuragarriena aurkeztu duen lizitatzailari 10 egun balioduneko epean, errekerimendua jaso eta hurrengo egunetik kontatzen hasita, hurrengoak egin ditzan:

- a) Egiaztagiriak aurkeztu beharko ditu zerga-betebeharrak eta Gizarte Segurantzarekikoak beterik dituela frogatzeko, baldin eta ez baditu agiri horiek proposamenarekin batera aurkeztu.
- b) Kontratua burutzeko beharrezkoak dituen bitartekoak eskuratzeko konpromisoa betetzen duela ziurtatzeko dokumentua ere, hala badagokio.
- c) Behin betiko bermea jarri.
- d) Erantzukizun zibileko aseguruaren poliza aurkeztu, gutxienez 600.000 euroko kapitalarekin.

Eskakizun hau aipatu epean eta behar bezala betetzen ez bada, lizitatzailleak bere eskaintza aurkezteari uko egiten diola ulertuko da eta, eskaintzen sailkapenari jarraiki, ondorengo lizitatzailari eskatuko zaizkio agiri berdinak.

Kontratuaren esleipena ebazpenaren bidez erabakiko du kontratazio organoak, eskatutako agiriak jasotzen diren egunetik 5 laneguneko epean. Ebazpen hori esleipendunari eta lizitatzailari jakinaraziko zaie eta Oiarzungo Udaleko Kontratatzaillearen Profilean (www.oartzun.org) argitaratuko da.

Nolanahi ere, baztertutako lizitatzailleek, igortzen zaien jakinarazpenean, esleipen erabakiaren aurka nahiko oinarri duen helegitea, hala balegokio, aurkezteko beharrezkoa den informazio guztia jaso beharko dute. Horiei eman beharreko informazioari dagokionez, SPKLko 137. artikuluan ezarritakoa aplikatuko da. Jakinarazpena hartzaileak jaso duela ziurtatzen duen edozein bitarteko erabiliko da erabakiaren jakinarazpena egiteko.

Lizitatzailleek esleipenaren jakinarazpena 135.4 artikuluan aurreikusitako moduan jasotzen duten egunetik kontatzen hasita 15 laneguneko epean gehienez ere sinatu beharko da kontratua, Administrazioaren aurrean agertuz.

Kontratuak formalizazioaren bitartez indar juridikoa hartuko du.

Kontratu honen lizitazioak eragin dituen publizitate ofizialeko gastuak esleipendunaren kargura izango dira.

Esleipendunaren erruagatik kontratua formalizatu gabe geratzen bada, interesduna entzun eta gero, Administrazioak kalte-galerak eskatu ahal izango ditu.

SPKLaren 139.2. artikulua arabera, kontratua burutzeari edo jardunbide honi uko egiten bazaio, esleipenak lizitatzaillei eragindako gastuak ezarriko ditu Administrazioak, entzunaldia eginez eta haiek behar bezala justifikatuz.

Edozein kasutan, kaudimen teknika egiaztatzerakoan %2ko ezintasuna baino gehiago duten langileak dituela ziurtatzen duten lizitatzailleen alde egingo da esleipena, beti ere, beren proposamenak esleipen-irizpideen arabera onuragarrienak direnak berdintzen baditu. Proposamenik onuragarrienean berdinketa lortu duten lizitatzailleek %2ko ezintasuna baino gehiago duten langileak dituela ziurtatu badute, ezintasun hori duten langile gehiago dituenaren alde egingo da esleipena.

III.- IZAERA, ERREGIMEN JURIDIKOA ETA JURISDIKZIO ESKUDUNA

23. IZAERA ETA ERREGIMEN JURIDIKOA

Baldintza-agiri honen arabera egin behar den kontratua administrazio-mailakoa izango da, eta kontratuan bertan zehazten ez den guztiari dagokionez, Sektore Publikoko Kontratuen Legeak, urriaren 30eko 30/2007 Legearen bidez onetsiak eta Sektore Publikoaren Kontratua Legea partzialki garatzen duen maiatzaren 8ko 817/2009 Errege-Dekretuan ezarritako arauak bete beharko dira. Horiez gainera, Herri Administrazioen Kontratuen Legearen Araudi Orokorra onartzen duen urriaren 12ko 1098/2001 Errege-Dekretuaren bidez onetsiak, ezarritako arauak ere bete beharko dira, aurrekoekiko kontraesanen ez dagoen guztian indarrean dagoena, eta baita herri administrazioen kontratazioan erabili beharreko gainerakoak ere.

Administrazio-baldintza zehatzen agiri honen eta espedientearekin batera doan dokumentazio teknikoaren artean kontraesanak izanez gero, agiri honetan zehaztutakoa nagusituko da.

24. DATU PERTSONALEN BABESA

Kontratazio honen bitartez datu pertsonalak eskuratzen badira, kontratatzaileak SPKLaren Hogeita Hamaikagarren Xedapen Gehigarrian adierazitakoak bete beharko ditu, Datuen Babeserako abenduaren 13ko 15/1999 Lege Organikoan eta hori garatzen



duten arauetan xedatutakoak biltzen baitira bertan.

25. JURISDIKZIO ESKUDUNA

Kontratuaren ondorioz sor daitezkeen desadostasunez arduratzeko eskumena duen jurisdikzioa kontentzioso-administratiboa da.

Kontratua aplikatzerakoan eta interpretatzerakoan, exekutatzerakoan, aldatzerakoan, betetzerakoan edo amaitzerakoan sortutako zalantzak kontratazio organoak erabakiko ditu, eta erabaki hauek berehala exekutatuko dira.

Oiartzunen, 2011ko ekainaren 9an